



Jens Napätök
Inatsisartunut ilaasortaq

§ 37 naapertorlugu apeqquut 2018-118-imut akissut

Brevdato: 04-07-2018
Sagsnr.: 2018-13631

Asasara Jens Napätök

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Inatsisartut suleriaasianni § 37 naapertorlugu makku pillugit apeqquteqarputit (1) Suna inatsit imaluunniit peqqussut toqqammavigalugu Inatsisartut aalajangiiffigisassatut siunnersuutaat, allannguutissatut siunnersuutaat, nassuiaatitseqqussutit, apeqquteqaat aallaavigalugit oqallinnerit aamma Naalakkersuisunut apeqqutit oqaatsit marluk atorlugit "taamaallaat" saqqummiunneqarsinnaatitaappat; (2 aamma 3) piffissami 2009-mit 2016-imut Namminersorlutik Oqartussani suliffeqarfinnilu namminersortitani aammalu taakku avataanni aningaasat oqalutseqarnermut atorneqarpat; aamma (4) piffissami 2009-mit 2016-imut kommunini oqalutseqarnermut nutserisitsinermullu aningaasat atorneqartut.

Tulliuttuni apeqquut 1 immikkut akissuteqarfigineqarpoq, apeqquut 2 aamma 3 ataatsikkut akissuteqarfigineqarlutik aammalu apeqquut 4 immikkut akissuteqarfigineqarluni.

Apeqquut 1

Apeqquutinni 1-imi apeqquutigaat Suna inatsit imaluunniit peqqussut toqqammavigalugu Inatsisartut aalajangiiffigisassatut siunnersuutaat, allannguutissatut siunnersuutaat, nassuiaatitseqqussutit, apeqquteqaat aallaavigalugit oqallinnerit aamma Naalakkersuisunut apeqqutit oqaatsit marluk atorlugit taamaallaat saqqummiunneqarsinnaatitaanersut.

Apeqquut Inatsisartut Siulittaasoqarfiata suliassaqarfianut attuumassuteqarpoq, taamaalillunilu tamatuma akissuteqarfigineqarnissaa § 37 naapertorlugu apeqquutinut tunngavissarititavataanniippoq.

Apeqquut 2 aamma 3

Apeqquutinni 2 aamma 3-mi piffissami 2009-2016-imi Namminersorlutik Oqartussani suliffeqarfinnilu namminersortitanut nutserisitsinermut aningaasartuutinut tamarmiusunut takussutissiamik qinnuiginnipputit. Aningaasartuutit nutserisunut Namminersorlutik Oqartussani aammalu suliffeqarfinni namminersortitani atorfeqartunut aammalu Namminersorlutik Oqartussanut suliffeqarfinnullu namminersortitanut nutserussisartunut avataaneersunut agguataarneqarnissaat kissaatigineqarluni.

§ 37 naapertorlugu apeqquut 2017-256-imut akissut naapertorlugu Namminersorlutik Oqartussat naatsorsuuserinermi periaasianni nutserisitsinermut paasissutissat 2011-mut kingumoorumik taamaallaat pigineqarput. Taamaattumillu ukiut taakku siuliini periarfissaqarfiaatigut naatsorsuuserinermi kisitsisinik nammineq nassaarniarnissaq suliassaassaaq annertoorujussuaq. Nammineq ujartuinissamik aallartitsinissaq § 37 naapertorlugu naapertorlugu apeqquutinut tunngavissarititavataanniippoq.

Takussutissiami matuma kingulianiittumi takuneqarsinnaapput nutserisunut Namminersorlutik Oqartussani atorfeqartunut aammalu nutserisunut avataaneersunut aningaasartuutit aammalu ingerlatseqatigiiffinni namminersortitani nutserisunut aningaasartuutit. Taakkununga tunngavigineqarput Namminersorlutik Oqartussat oqalutseqarnermut nutserisitsinermullu aningaasartuutaat pillugit naatsorsuutitigut paasissutissaatit, taakku Namminersorlutik Oqartussat aningaasaqarnikkut periusiini pissarsiarineqarsinnaapput aammalu suliffeqarfinit namminersortitanit akissutinit pissarsiarineqarlutik.

Takussutissiami matuma kingulianiittumi aningaasartuutit 1.000 kr.-inngorlugit naatsorsorneqarput

		2011	2012	2013	2014	2015	2016
Namminersorlutik Oqartussat	Avataaneersunik nutserisitsinerit	5.256	8.012	7.968	10.555	10.916	16.385
	Nutserisoqarfik	8.231	6.463	6.920	7.141	7.180	7.194
Suliffeqarfiit namminersortitat		320	209	288	416	706	898
Katillugit		13.807	14.684	15.176	18.112	18.802	24.477

Kisitsisini siuliani allassimasuni taamaallaat ilaatinneqarput aningaasartuutit naatsorsorneqartut. Namminersorlutik Oqartussanut atatillugu ilaatigut pineqarput Nutserisoqarfimmi nutsikkanut oqaluttaanernullu aningaasartuutit, ilaatigullu avataaneersunik nutserisitsinermut aningaasartuutit. Aningaasartuutiivit annertunerusinnaapput, tassa sulisut allat nutserisuunngitsut pisut ilaanni nutsigassanik aamma ingerlataqarsinnaammata. Kingulliullugit taaneqartut aningaasaqarnikkut periutsimi nalunaarsorneqarneq ajorput. Aammattaaq suliassanik naammassinninnerni taama ittuni ingerlatat tullerriaarnilersukkanik nalunaarsorneqartanngillat. Taamaammat aningaasartuuterpiaat katillugit annertussusilerneqarsinnaanatik.

Apeqqut 4

Apeqqutinni 4-mi piffissami 2009-mit 2016-imut kommunini oqalutseqarnermut nutserisitsinermullu aningaasat atorfeqartut akissuteqarfiginissaat qinnutigaat. Kommunini nutserisitsinermi naatsorsuutitigut kisitsisit Namminersorlutik Oqartussanit pigineqanngillat, taamaattumillu apeqqut tamanna akissuteqarfigisinnaanagu. Taamaattumillu apeqquteqartoq kommuninut saaffiginneqqullugu innersuunneqarpoq.

Inussiarnersumik inuulluaqqusillunga


Pele Broberg